

«Шайх Мұҳаммад Содиқ Мұҳаммад Юсуф» жомеъ масжиди ходимлари болажонлар қалбига сурур бағишлиашди



14:30 / 02.06.2022 1163

Кече, 1 июнь — Халқаро болаларни ҳимоя қилиш куни муносабати билан «Шайх Мұҳаммад Содиқ Мұҳаммад Юсуф» жомеъ масжиди имом ноиби, Қуръон ходими, устоз Ҳасанхон Яҳё Абдулмажид бошчилигига ижтимоий ҳимояга мұхтож оиласынинг фарзандлари, етим, бемор болалар ҳолидан хабар олиниб, уларга байрам ҳадялари улашилди. Жумладан, Тошкент шаҳридаги марказий қон қуиши институтига ташриф буюриб, у ерда даволанаётган болажонлар күнгиллари шод қилиниб, ҳомийлар күмагида моддий томондан ёрдам берилди. Ташриф жараёнида бу ерда битта бўлимнинг ўзида 160 га яқин бемор болажонлар даволанаётгани маълум бўлди. Шунингдек, аксар беморларнинг ҳоли ночор ҳолатда эканлиги, уларнинг оналари эса маҳзун бўлишлари күнгилларни ғамга ботиради. Бироқ бемор болаларнинг табассумлари инсонлар қалбидан, айниқса отоналарнинг ҳаётга, яшашга бўлган қизиқиши уйғотадилар. Ушбу ҳиссиётлар ташриф чоғида ўз аксини топди. Чунки бемор болаларнинг ҳолидан хабар олингач, уларнинг кўзлари қувончларга тўлди. Ушбу

хурсандчиликлар оналар қалбига ҳам илиқлик олиб кирди. Ташириф якунида барча бемор болалар ҳақыга дуолар қилинди.

Куннинг иккинчи ярмида Тошкент шаҳар А.П. Хлебушкина номидаги 22-сонли меҳрибонлик уйига ташриф буюрилди. Меҳрибонлик уйидаги учрашув жараёнида имом ноиб, устоз Ҳасанхон Яҳё Абдулмажид болажонлар кўнглини хушнуд этиб, етимпарвар бўлган зот Пайғамбаримиз соллаллоҳу алайҳи вассалламнинг болаларга гўзал муомалада бўлганлари, уларни иззат-хурмат қилганлари ҳақида мавъизалар қилиб бердилар. Уларга «Шайх Муҳаммад Содик Муҳаммад Юсуф» жомеъ масжиди номидан телевизор совға қилинди.

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам ўз ҳузурларида Ақраъ ибн Ҳобис Тамиймий ўтирганида Ҳасан ибн Алини ўпдилар. Шунда у:

«Менинг ўнта болам бор. Улардан бирортасини ўпганим йўқ», деди.

Расулуллоҳ соллаллоҳу алайҳи васаллам унга қараб турдилар ва:

«Раҳм қилмаганга раҳм қилинмас», дедилар».

Бухорий, Абу Довуд ва Термизий ривоят қилишган.

Расулуллоҳ соллаллоҳу алайҳи васаллам ўта болажон зот эдилар. У киши болалар ичидаги набиралари имом Ҳасан ва имом Ҳусайнларни жуда яхши кўрар ва уларга меҳрибонлик кўрсатар эдилар. Ушбу ривоятда у зот соллаллоҳу алайҳи васалламнинг имом Ҳасан розияллоҳу анҳуга кўрсатган меҳрлари, саҳобалардан бирларининг бунга бўлган муносабатлари ва бу муносабатнинг Расулуллоҳ соллаллоҳу алайҳи васаллам томонларидан баҳоланиши ҳақида сўз юритилмоқда.

Аллоҳ таоло юртимиздаги барча болажонларни жамият равнақига ҳисса қўшадиган, ҳақ динга хизмат қиладиган, илмига амал қилиб, ота-онасига меҳрибон, улуғ зотлардан бўлиб, соғ-саломат вояга етишини йўзи насиб этсин!